



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Sermo III. Mensuræ Parietis Spei.

[urn:nbn:de:hbz:466:1-46065](#)

SERMO. III.

MENSVRÆ

Parietis Spei.

DIs servimus hactenus de Parietis Spei materia, & extrin-
nis modo, nunc de mensuris ejusdem, alijsq; conditionib;
spectanib; pertractandum est.

A R T I C U L V S . I.

ALTIT VDO

Parietis Spei.

AVDANTVR imprimis Parietes, seu M.
ab Altitudine. A qua celebratissimi
apud veteres Muri Babylonii, quorum
titudo erat pedum ducentum. Superar
hanc Altitudinem murus in substrictione
templi Jerosolymitani à Salomone erectus; fuit en
altitudin s pedum mille & quadraginta octo. (4) Se
quid hæc ad altitudinem Parietis-Spei, quæ usque
Altissimum pertingit, usque ad Deum elevatur? Spe
enim in Deum tendit, & per illam beatitudo attrahitur
Hinc ad Hebraos vi. dicitur Spes incedere, id est, elevare

(a) *Vilalpand. Tom. 2. lib. 5. disp. 4. cap. 62.*

& penetrare usque ad interiora velaminis, nimirum, in cœlum beatorum, ubi Dei vultus, nobis tanquam velo obductus, clarè cernitur. Ut explicat ipse Apostolus cap. ix. ejusdem epistolæ. Alibi autem penè semper, Spem cum gloria conjungit. Ad Titum secundo, *Expectantes beatam Spem, & adventum gloriae magni Dei.* Et cap. tertio, *In Spem vite æternae.* Ad Romanos v. *Gloriamur in Spe glorie;* cap. viii. *Spe salvi facti sumus.* Ad Ephesios i. *Vt sciatis, quæ sit Spes vocationis vestræ, & divitiae gloriae hæreditatis.* (a) Unde probant Theologi, Spem esse Virtutem Theologicam, quia immediate Deum ipsum attingit. Profectò, altissimus est murus, qui ipsos cœlorum orbes penetrat, & solium Gloriarum Dei attingit.

Ob hanc etiam causam, dicimur, in Domino habere fiduciam: confidendum in Domino: Dominum esse Spem nostrā: quæ omnia indicant, Parietem Spei rectâ ad Deum Altissimum esse dirigendum. Dominus, inquietab Rex David, *firmamenum meum, & refugium meum, & liberator meus. Deus mihi, & Adjutor meus, & sperabo in eum.* *In Te confidit anima mea.* Idem fuit sensus ejus filii Salomonis, qui ita monebat: *Habe fiduciam in Domino ex toto corde tuo.* Et Ecclesiastici adhortantis: *Confide in Deo, & mane in loco tuo.* Ieremias quoque bene precantis, *Benedictus vir qui confidit in Domino.* Pia est illa S. Bernardi contestatio: *Prætentat alter meritum, sustinere se jactet pondus diei.* & astus Mihi adhærere Deo bonum est: ponere in Domino Deo meo Spem meam.

(***)

(a) *Spes virtus Theologica.* S. Thom. 2, 2, q. 17. alt. 5. ubi Bannez Vallenaria, Malderus. (b) *Psal. 17, 3* (c) *Psal. 56, 52* (d) *Prov. 3, 5.* (e) *Ecc. 11, 22.* (f) *Ier. 17, 7.*

ARTICULUS II.

LONGITVD O

Parietis Spei.

ALTERA, Parietem vel Murorum commendatio-
mitur à Longitudine: oportet autem Spei Murum esse
longissimum, cum quo nullus conferri possit nullius ter-
reni ædificii. In historiis quà sacris, quà profanis nomi-
nantur muri hoc nomine celeberrimi. *Antiochus* intu-
gram regionem Margionem circumduxit muro perpe-
tuo, atque in ejus complexu Antiochiam quoque ædi-
ficavit. Erat autem muri ambitus stadiorum mille qui-
gentorum, id est, propè ducentorum millium passuum
(a) *Milciades* Dux Atheniensium alium erexit, qui à Sura-
va urbe, quam *μαρείντεικον* vocabant incipiebat, supra
dem ingens, usque ad sinum Malicum, excludebatque
Chersonesum à reliqua Thracia (b) *Cæsar* in Germania
Murum ædificari jussit à Lacu Lemano ad montem Je-
ram, qui fines Sequanorum ab Helvetiis dividit. (c) *Adrianus* Imperator in Britannia Murum extruxit per octo
ginta millia passuum, qui Barbaros Romanosque di-
sterminaret. (d) *Severus* in eadem regione alium murum
centum & triginta millium passuum longitudine, à me-
ri scilicet ad mare produxit. (e) His antiquiores Cartha-
ginenses Murum sexaginta stadiorum constituerunt
urbis tuitionem in Isthmo: nihilominus deleta est ipsa
cujus ambitus erat xx passuum millium. (f)

(a) *Strabo lib. 11.* (b) *Lud. Vives lib. 15. de Civit. c. 27.* (c) *lib. 1. de
bell. Gall.* (d) *Sparta. in Adr.* (e) *Ossorius lib. 7. c. 17.* (f) *Olor. lib. 4.
cap. 21.*

AT

(a) D
Nunnez
Trigamii

At superarant hos omnes & alios quoscumque Babylonii ac Sinenses. Et illi quidem inter Orbis miracula recensentur : habebant autem in longitudine trecenta & octoginta stadia: (a) nimirum , millaria circiter quadriginta octo: tantoperè autem urgebatur opus, ut unū quotidie stadium absolveretur, omnia penè intra unius anni circulum. Altitudo erat pedum ducentum : latitudo quinquagenum , ut quadrigæ sibi occurrentes non offenderentur: ædificati scribuntur à trecentis operariis millibus. Sinenses verò insanis sumptibus struxerunt Murum longissimum , quo à Tartaris dividenter. Is etiamnum quingentis leucis est oblongus, id est, ad duo millia miliarium Italicoū, latus pedes quatuordecim, ac totidem altus , jungens montes montibus ad Leucas octoginta. Hunc Murum in tantam porrigit longitudinem , ut menstruo intervallo integro ad illius finem nemo valeat pervenire, scribit Malacha Melchior Nunnez; sicque deprehendatur murus ille unicus propè decies centum millia passuum protendi longitudine. Certiora referunt recentes Sinarum historiographi. (d)

LONGI profectò, Latique sunt hi Muri , & ad stuporem Europæorum. Sed non pertingunt ad Longitudinem Latitudinemque MURI illius , quem SPEI dicimus. Qui tam est longus, ut nemo mortaliū, quamvis vitæ maximè diurnæ, & ambulatoriæ ad ejus terminum pervenire debeat. Mundus obambulari potest, & quod-nam non, quamvis longissimum spaciū? Murus Spei semper ulterius extenditur. Postquam in illo tibus, quattuor, decem , immò centum annis passus promoveris, infinitum semper restabit quod perficias. Dicam hoc clarius. Ejus conditionis est Spes, ut dum

vita

(a) Diodor. lib. 3. Strab. l. 16. Iustin. l. 1. Herod. l. 2. Solin. c. 60. (b) Numæz de reb. Sinar. Tp. 2. (c) Maiol. Tom. 1. Colloq 23. (d) Riccius. Trigauius. Iarrus.

vita superest, temper meo consistere debeas, nunquam ejus orbitam relinquere: semper hoc in Muro currendum est. Elegans mihi visum est & utile symbolum cijusdam, & ab omnibus usurpandum: Dum SPIRO SPEO. Quamdiu halitus in ore superest, tam diu pede Murus Spei calcandus est.

ARTICULUS III.

LATITUDO

Parietis Spei.

EA non est solum pedum quinquagenum, ut M^unⁱ Babylonici, sed tanta, ut cum Longitudine certa possit. Complectitur enim latitudine, quicquid tanquam ad æternam vitam conducibile sperari potest, sive sit causa, sive medium, sive effectus: & quid sic sperare non potest? Bonum quodlibet creatum, & increatum. Bonum increatum est Deus, & quicquid in illo bonorum omnium Oceano interminato continetur. Objetum enim Spei est Beatus: nempe. Summum Bonum visione & amore possidendum. Bonae autem creatae pertinent ad objectum Spei, quatenus conducunt ad DEI comprehensionem, aut inde consequuntur; sive naturalia sint, ut sanitas, robur, pulchritudo, eruditio, facultates, amicitiae; sive supernaturalia, virtutes, gratia, divini Spiritus charismata. Porro, per se magis sperantur supernaturalia, quoniam per se conducunt aut consequuntur ad beatitudinem supernaturalen. Quæ vero sunt ordinis naturalis, dum speratur, induunt quadam tenus rationem boni supernaturalis, quod boni-

bonitatem
Quare
divinitatem
nam v
sive ut
naria i

EST
dum in
Christi
que re
stat ac
qui spe
in veti
nibus e
tamen
speran
stes no
vadun
occup
mè co
Psal
minem,
ariæ de

bonitas finis, propter quā experīetur, supernaturalis est. Quare rectē præscribitur in Catechismo, *Spes est virtus divinitus infusa, per quam certa cum fiducia, nostra salutis, & aeternae vitae bona expectantur.* Quæcumque enim ad aeternam vitam referuntur, sive ut causa, sive ut medium, sive ut effe ētus, quamvis temporalia sint, & inter sublunaria numerentur, aeternis jure accensentur.

ARTICULUS IV.

RECTITUDO

Parietis Spei.

EST illa quoque laus Parietis haud minima, si ad normam rectissimè adsurgat: quod maximè spectandum in ejus constructione. Quare observet Architectus Christianus, ut Spei suæ parietem erigat ad normam, sitque rectissimus. Caveat ne inclinetur ad vana, ne deflecat ad illicita, ne incurvetur versus terram. Multi sunt, qui sperant, sed non in Domino, fiduciam suam habent in veritis artibus, commerciis, subsidiis: Hi dum tentationibus oppugnantur, etsi non omnino statim desperant, tamen desperabundis sunt similes; diffidentibus, quam sperantibus viciniores. Quod dum animadvertunt hostes nostri capitales Dæmones, facillimè hominem invadunt, & animum, velut propugnaculum cui inhiant, occupant. Quando enim inclinatus est paries facillimè corruit, & totum ædificium subvertitur. Quo sensu Psalmista dicebat: Psal. LXI. *Quousque irruitis in hominem, interficitis universi vos, tanquam parieti inclinato & manu depulsa?* Nimirum, facitis sicut hostes, qui, ut parietē incli-

inclinatum vident, irruunt, ut totus concidat: dum minatur ruinam Paries, hostibus est opportunum, ut ad terram deijciant: & sanè facile sine magno impulsu ruat. Quare frequens est similitudo apud Poëtas, à pariē, qui ubi facit inclinari, facillimè corruit.

*Cūm cœpit quassata Domus subsidere, partes
In proclinas omne recumbit opus.
canebat quidam.*

ARTICVLVS V.

FIRMITAS

Parietis Spei.

DEBET Spei Paries esse firmus. Qui sperat in Domino, ciusque auxilio non debet nutare, non vacillare, non moveri in hanc illamve partem, denique, non debet diffidere. Sperantem in Domino exalmare oportet cum Jobo: (a) *Etiam si occiderit me, in ipso sperabo.* Et cum Davide: (b) *Si consistant adversum me castra, nos timebit cor meum. Si exsurgat adversum me prælum, in hoc ego sperabo.* Et cum Paulo Apostolo. Certus sum, quia neque vita, neque Angeli, neque Principatus, neque creatura alia poterit nos separare à Caritate DEI, quia est in Christo IESV (c) *Ab hac firmitate laudatur, si quis aliis credentium Pater Abraham, de quo Apostolus: (d) Contra Spem in Spem credidit, ut fieret pater multarum gentium, Non infirmatus est in fide, nec consideravit corpus suum emortuum, cùm jam ferè centum esset annorum, & emortuam vulvam Saræ.* In reprobatione etiam DEI non hæsitavit diffidentia.

(a) Job xiii.15. (b) Psal. xxvi. 3. (c) Rom. viii. 38 (d) Rom. iv. 11.

denia. Firmitas autem illa oritur, tum ex fundamentalibus duobus lapidibus, de quibus actum superius, Promissione Dei & Jurejurando divino, quibus nihil potest excogitari firmius: tum ex Nexus indissolubili lapidum, laterum, & æris Parietis ejusdem, de quo modo inquirendum est.

ARTICVLVS VI.

NEXVS

Æris, Lapidum, Laterum

Parietis Spei.

AMET SI in Ædificio æs, lapis, lateres conjungantur, nihilominus nisi interveniat quidpiam, quod firmiter copulet, non constituetur ad tutelam idoneus Parietis, vel murus. Vulgo autem lapides lateresque calce nectuntur: olim etiam bitumine jungi solebant. Sed sumptuosissimi Muri, maximè si fiant ex quadrato lapide, pro juncturâ habent ferrum aut plumbeum: in quibusdam, quod in stuporem rapit, Aurum fuisse adhibitum invenio. De ferro plumboque constat ex Templo Salomonis, in quo maximi lapides parietum ferro fuerunt colligati. Sic enim scribitur i. Paralipon. xxii. Ferrum plumbum ad clavos januarum, & ad commissuras, atque vincturas preparavit David. Quod dicitur, ad juncturas, & commissuras, simplici voce in originali exprimitur, quam nonnulli, Catenationem vertunt, sed revera quamcumque conjuncturam designat, aut colligationem, qualis fuit lapidum in parietibus; qui cum sine ullo medio cæmento

copu-

copulati essent, ferreis vinculis intrinsecus cohærebantur exceptis meridionalibus, quos plumbo nexos, ne ferrum australi vento corrumperetur suspicatur templi Jerosolymitani illustrator Villalpandus, in architecatura profana sacraque versatissimus. De Auro exemplum est in Domo Cyri Persarum Regis, quam inter septem orbis prodigia numeravit Philostratus libro 2. qui *Auream* vocat: *Æschilus* verò *χρυσειλβος*, auro fulgentibus compositam. Sed Cassiodorus lib. 15. *Auream* dictam insinuat, quod illigatis auro lapidibus constructa esset: nam Dominum eam ait arte prodigâ factam, illigatis auro lapidibus.

JAM verò, Lateres, Lridesque Parietis Spei, ne quid desit vel ad firmitudinem, vel ornatum, jungit Ferrum & Aurum: Ferrum Fortitudinis, Aurum Caritatis. De ferro sunt clarissima illa Prophetæ: (a) *Expecta Dominum, viriliter age, & confortetur cor tuum, & sustine Dominum.* Idem et libi monet universos: *Viriliter agite, & confortetur cor vestrum omnes qui speratis in Domino.* (b) *Aureum eorumdem vinculum esse Caritatem, habemus ex Paulo Apost. quidcirco Caritatem vocat Vinculum perfectionis, id est, perfectissimum & nobilissimum.* (c) Denique, satis constat, sine hoc nexus, cumulum operum, quantumvis excellentium, non esse, nisi luteam quandam congeriem. Addo, quod antea me dicere memini; Muros è sali compactos aqua ferruminari, & solidissime neuti. Hoc aqua Symbolum est Sancti Spiritus, & Gratiae ejusdem hac salis Lrides, qui Parietem-Spei constituunt, coagulantur, firmanturque.

Legendus Joan. Bap. Villalpandus, Tomo 2. par. 2. lib. disp. 4. cap. 60. Erant (inquit) commissuræ ita latentes, ut oculis percipi possent, & unus potius lapis è pluribus, quam plures.

(a) *Psal. xxvi. 14.* (b) *Psl. xxx. 25.* (c) *Ad Coloss. 3. 14.*

conuenti viderentur. Nullum inter eos intercedebat connectendi
caussamenti genus: intrinsecus ferreus vinculis (exceptis meri-
dionalibus, ne australi vento ferrum corrumperet) constringebantur. Consulatur idem Scriptor de Mensuris
Templi Salomonici, Tomo 2. à pag. 550. Et Pineda de
rebus Salomonis libro quinto cap. 5. nec non Tirinus in lib. Reg.
& Paralip. ibidemque Cornelius de Lap.

S E R M O I V.

INCRVSTATIO

Parietis Spei.

CONSTRUCTO Pariete, ne rudit maneat, Incrustatione or-
nari solet: & tribus ferè coriis, seu cutibus obducitur. Prima
parietis superficiem aquat, auferendo scabrietem; ac vocatur Pri-
mum Tectorium, vel Crusta: altera colorem aliquem addit:
potremus demum pictura polit. Simile quid accidit in Pariete-
Spei.

ARTICULUS I.

TECTORIUM

Parietis Spei.

TIMOR DOMINI.

PEI Paries obducendus est, tanquam Tectorio pri-
mo, Timore Domini, qui aufert eminentias præ-
sumptionis, & explet inanitates pusillanimitatis.

Quarta Pars.

L1

Cer-